

放光摩訶般若波羅蜜經卷第二十九 芒

分別品第八十四

西晉三歲無羅义共竺林蘭奉 詔譯

須菩提白佛言世尊假令是法是菩薩法者  
佛法復云何佛報言以是法具足者便逮薩  
云若慧盡諸習緒菩薩摩訶薩便盡逮覺是  
菩薩法佛法者以一相慧應一切慧而得正  
覺是者佛法與菩薩法而有差特須菩提辭  
如向道已得道者是二輩者皆是賢聖菩薩  
住於兩際中間佛以過去如來無所著等正  
覺以是差別須菩提言世尊假令如佛所言  
者空無之法爲有差別有若干品耶而言是  
者泥犁薜荔畜生是者人道是者天道是者  
八數是者辟支佛是者菩薩是者爲佛如是  
諸道無所有行亦無所有如行無所有者罪  
福之報亦無所有佛言如是如是須菩提如  
汝所言空無之法亦無有行亦無有得須菩  
提不知空無之法者或作善惡之行有漏無

漏由行所致便有三惡趣作善行者便有天  
道人道於三界中無斷絕時菩薩行六波羅  
蜜乃至佛十八法行菩薩法亦無有瑕是爲  
具足菩薩支節金剛三昧成阿耨多羅三耶  
三菩阿惟三佛爲衆生作厚其厚者終不腐  
敗而生五道須菩提言世尊成阿惟三佛時  
爲見五道生死耶佛言不也須菩提復問如  
來爲不見惡法耶佛言不也世尊爲不見善  
法耶佛言不也世尊亦不見善亦不見惡耶  
佛言不也須菩提言若不以是四句云何處  
有天道人道是三惡道云何處有聲聞辟支  
佛道處有菩薩處有佛道佛問須菩提衆生  
爲知諸法相空不若衆生知諸法相空者菩  
薩終不發阿耨多羅三耶三菩提亦不能度  
衆生令離惡趣以衆生不知諸法相空故不  
能得離五道菩薩於諸佛所聞諸法相空是  
故便發阿耨多羅三耶三菩凡夫所入之法  
如來無復有衆生不解空法所作各自得之

無有衆生有衆生相無有五陰有五陰相於無爲作有爲相自無所有作顛倒相以身口意所作顛倒便墮五趣不能得脫菩薩行般若波羅蜜持諸善法皆內於般若波羅蜜行菩薩行以成阿惟三佛持四諦法廣演分別令衆生習之諸善之法三十七品四諦便有三尊其有衆生因三尊者無不得脫離諸勤苦湏菩提白佛言世尊衆生得度爲用四諦用四諦慧耶佛報言亦不以四諦得度亦不以四諦慧得度我說於四諦得等覺者乃爲度脫耳復問世尊何等爲四諦之等報言亦無苦亦無苦慧亦無集亦無盡慧亦無盡亦無盡慧亦無道亦無道慧以四諦如及余亦無變異法性之法真際法事有佛無佛常住如故是法不忘不失於諸法不耗減菩薩行般若波羅蜜行四諦逮四諦慧亦當作是覺復問世尊菩薩行般若波羅蜜云何行四諦而覺四諦以覺隨行亦不墮二地而上菩薩

位佛報言諸法之要不可得見正使得見亦無所有旣無所有見諸法皆空在四諦者不在四諦者皆空無所有作是見者便上菩薩位於種性住住種性已不與上諍不墮二地以住種性便起四禪四等及四空定住滅諍地覺知諸法知四禪慧不生苦集盡道因緣但起道意想觀見諸法如湏菩提言云何觀見諸法如應佛報言空云何爲空報言如自觀身相空作是比觀者爲見諸法空不見有法逮覺道者道者無所有亦非佛所作亦非羅漢辟支佛所作亦非行菩薩者所作一切衆生不審是事是故菩薩摩訶薩行般若波羅蜜以溫和拘舍羅爲衆生說法

放光三十九

放光摩訶般若波羅蜜經有無品第八十五湏菩提白佛言世尊假令諸法所有無所有非佛所作亦非羅漢辟支佛及菩薩所作云何有諸道分數善惡之差別有三惡趣及於人道及四天王上至長壽天高下之殊異云

何復言作是得是行惡者入三惡趣行善者得生人道或生天上云何行道得湏陁洹至得阿羅漢辟支佛作是行得菩薩法作是得三耶三菩世尊無所有法者亦無作亦無行亦無聲聞辟支佛行無有菩薩行亦無有三耶三佛行亦無逮薩云若而度脫衆生者是事云何佛報湏菩提如是如是無所有者亦無作亦無行得凡夫愚闇不能得知賢聖之法又亦不知所有無所有之法爲四顛倒所見侵欺作若干行得若干報便有五趣生死無所有法亦無有行亦不受於湏菩提意云何湏陁洹乃至阿彌多羅三耶三菩爲有所不湏菩提言世尊從湏陁洹乃至于道皆無所有佛告湏菩提無所有能逮無所有法不對曰不也世尊是故湏菩提無所有及道一切諸法亦不合亦不散無有形不可見亦無對一相一相者所謂無相是故湏菩提菩薩摩訶薩行般若波羅蜜洹和拘舍羅見於

衆生入於顛倒入於五陰無常有常想苦謂有樂想無我有我想不淨有淨想入於有為菩薩以洹和拘舍羅令衆生離於有中湏菩提白佛言世尊衆生所入不離五趣有何因緣礙頗有實要不佛報湏菩提無有餘行如毛髮者但以衆生著四顛倒故有五趣耳湏菩提諦聽諦聽以是事故我今說之使汝得解於意云何夢中所見五樂自娛有作者不對曰世尊夢尚無所有況有五樂佛言於汝意云何諸法有爲無爲有漏無漏頗有法不如夢者不答曰世尊一切諸法皆如夢耳無有諸法不如夢者佛言於意云何夢中所見人頗有五趣不無也世尊湏菩提夢中人頗有道念有著斷事不對曰無有何以故世尊無形之法無所造處著斷之法亦無有處云何湏菩提鏡有見像頗爲有行頗有五趣生死報不對曰不也世尊所以者何鏡中像者亦無所有也凡夫爲惑自呼所有鏡中像者亦

芥子園三十九

四

無五趣無作無行湏菩提鏡中像為有道念  
有著斷不對曰無有所以者何無形之法無  
所造作亦無著斷亦無有處佛言於湏菩提  
意云何響從山谷出是響頗有行作生五趣  
者不對曰不也何以故無形之法無行無作  
無生五趣者於湏菩提意云何響頗有道念  
有著斷不對曰無有所以者何無所有之法  
無所造作亦無著斷亦無有處於湏菩提意

云何辭如熱時之焰無有河水有河水想無  
有城郭有城郭想無有園觀有園觀想於意  
云何是焰寧有所作有五趣不對曰焰無所  
有但惑愚夫之眼但有像耳湏菩提是焰頗  
有道念有著斷不對曰無有無形之法無所  
造作無有著斷亦無處所湏菩提辭如幻師  
化作象馬或作人衆若干種現是化人頗為  
有行有五趣不對曰無有何以故幻無形故  
湏菩提幻人所化頗有道念有著斷不對曰  
無有無形之法無所造立亦無著斷亦無處

所湏菩提如來所化寧有行作有五趣不對  
曰無有何以故化無所有故湏菩提化有道  
念有著斷不對曰不也無形之法無有道念  
亦無著斷亦無處所於湏菩提意云何是諸  
法頗有著斷不對曰不也無有著斷佛言假  
令無著斷者是為無有著斷何以故衆生但  
住於吾我便有著斷審見諦者不著不斷衆  
生所見不審諦故便有著斷

放光摩訶般若波羅蜜經諸法等品第八十六  
湏菩提白佛言世尊其審諦者不著不斷不  
審諦者亦不著不斷所有無所有無著無斷  
審諦不審諦俱不著不斷是事云何佛報湏  
菩提言以諸法等故我言斷世尊是何謂佛  
報言有佛無佛如及余法性真際法事初不  
變異常住如故是名為斷但以俗為名号有  
言有教俗之音聲雖有言教皆無所有湏菩  
提言世尊假令諸法如夢如響如鏡中像如  
野馬如幻如化者菩薩云何於空無之法發

阿耨多羅三耶三菩提言我當具足六波羅蜜具足神通具足慧度四禪四等及四空定三十七品及三脫門具足八惟無九次第禪言當具足十力佛十八法言當具足三十二相八十種好言當具足陀隣尼門云何言我當作光明普照幽冥之處云何知衆生意而爲說法耶佛告湏菩提於意云何如汝所問爲如幻如化不湏善提言假令諸法如夢如幻菩薩云何行般若波羅蜜出尊如夢幻化非真實者不真實法不能行六波羅蜜乃至十八法亦不能行佛言如是如是如汝所言夢化不行六波羅蜜不能成阿耨多羅三耶三菩是法皆爲是有爲相法有爲相之法亦不可得菩薩云若是法亦復是道亦復是泥洹以是法無所生無有相以是故菩薩初發意已來習諸善法六波羅蜜乃至十八法知是法已如夢如化不具足六波羅蜜十八法者亦不能教化衆生菩薩習諸善法觀諸法如

夢如化菩薩觀般若波羅蜜觀菩薩云若觀衆生亦復如夢如化菩薩行般若波羅蜜不於中受形及幻化法不於中受形言當速菩薩云若菩薩行般若波羅蜜無所取於十八法亦無所取菩薩知諸法無所取故逮阿耨多羅三耶三菩何以故諸法無形故無所取可持無所取法而有所得亦不見是法是故菩薩爲衆生故發阿耨多羅三耶三菩提從發意已來行六波羅蜜但爲一切不自爲身菩薩起阿耨多羅三耶三菩提者但爲衆生故以衆生無所有以無衆生有衆生想不見有見想不知有知想是故菩薩於顛倒中拔出衆生於甘露地斷諸習想湏菩提菩薩行般若波羅蜜以惄和拘舍羅於諸法無所入建立衆生於無所入但以俗數非第一義湏菩提言世尊如來所遠覺法爲以世俗數爲以第一義佛報言如來者以俗數得遠覺亦無有法有所得者所以者何若言我得道者是

爲大耻若有二者亦無逮亦無覺復問世尊  
假令有二不遠覺者爲從一得遠覺耶佛報  
言亦不從二亦不從一遠覺者亦不一亦不  
二其不一不二則是遠覺所以者何遠覺者  
爲戲則爲貢高等覺者無戲亦無貢高湏善  
提言世尊諸法所有皆無所有云何是等正

七

校卷三九

覺佛報言亦不有有亦不無無亦無言說是  
則等覺等覺法者亦無言說亦無有法說等  
覺者等覺者以過於諸法凡夫愚人去等覺  
遠復問世尊如來爲離覺法遠耶佛報言等  
正覺者非衆聖賢聲聞辟支佛菩薩及佛之  
處復問世尊如來於諸法中得自在耶佛報  
言凡夫之等及聲聞辟支佛及如來皆共一  
等覺一等覺者亦無有二亦無凡夫亦無三  
耶三佛乃至如來亦無若干湏菩提言世尊  
假令於等覺中無有分數者凡夫聲聞辟支  
佛無有差別佛言如是如是凡夫乃至三耶  
三佛無有差別假令凡夫乃至三耶三佛無

有差別者何以故有三尊佛言於湏菩提意  
云何佛寶法寶比丘僧寶等覺異耶對曰如  
我從世尊所聞三寶及等覺無有異三寶及  
等覺寶亦不合亦不散無有形亦不可見一  
相無相爲無相法作數作處者則爲有近有  
處佛告湏菩提如來無所著等正覺得阿耨  
多羅三耶三菩時爲諸法作處便知有三惡  
趣知有人道知有三十三天便知三十七品  
乃至內外空及所有無所有空知有十八法  
是故湏菩提是爲如來大士之所差特不動  
於等覺法爲諸法立處湏菩提言世尊如世  
尊於等覺不動耶凡夫聲聞辟支佛於等正  
覺亦復不動佛法凡夫法聲聞辟支佛法及  
如來法爲一法耶及無形法色法痛法想法  
行法識法有異耶眼法耳法鼻法舌法身法  
意法有異耶地水火風識空法有異耶婬怒  
癡法有異耶六十二見有異耶四禪四等及  
四空定法有異耶三十七品法三脫門法內

外空法及所有無所有空法八惟無九次第  
禪四無畏四無礙慧十力佛十八法有爲無  
爲法是諸法皆有名云何處不可得若菩薩  
不住是處不分別諸法菩薩終不能行般若  
波羅蜜行般若波羅蜜菩薩遊諸十處乃至

上菩薩位便過二地已過二地具足神通於

相一相者無相以俗數故有所作耳非最第  
一義最第一義非身口意所作亦不離身口  
意得第一義以諸法之等是故第一義菩薩  
行般若波羅蜜亦不得最第一義而行菩薩  
事

放光摩訶般若波羅蜜經諸法如化品第八十七

芥放光二十九  
諸神通具足五波羅蜜遊諸佛刹供事諸佛  
植衆善本持是功德教化衆生淨佛國土佛  
告須菩提汝所問如來及凡夫法及二地法  
云何作是問於汝意云何五陰空法及如來  
法爲有異耶須菩提言等空佛言於空可見  
無相法不五陰相及佛相爲可見不須菩提

芥放光二十九  
言世尊不可見也是故須菩提諸法之法亦  
無有凡夫亦不離凡夫亦非如來法亦不離  
如來法復問世尊是法爲是有爲法爲是無  
爲法佛言亦不離無爲而得有爲法亦不離  
有爲法而得無爲法須菩提有爲法無爲法  
一法無二亦不合亦不散無有形不可見一

芥放光二十九  
諸十二衆相度諸有爲相建立不有爲界是  
不有爲之性空云何爲空佛報言於諸相空  
幻師所化作人空不幻化及空不合不散以  
空空空空及化人無能別者何以故俱空故  
須菩提五陰無不空者以空故作是說言五  
陰空復問世尊世俗之法如幻道法亦復如

幻耶假令道法是幻者從三十七品乃至佛十八法及三乘法亦復如幻行三乘者亦復如幻佛報言是諸法化誰所化爲是聲聞辟支佛所化耶是菩薩佛之所化耶是諸習緒所化是行所化對曰無有化者佛言是故諸法如化復問世尊湏陁洹至羅漢辟支佛所滅及佛諸習緒滅亦復如化耶佛報言諸有所生者滅者皆悉如化復問世尊何等法不如化者佛報言不起不滅是則非化復問世尊何等不起何等不滅非是化耶佛報言泥洹非化湏善提言世尊常說空不動轉無有雙法無不空者是故泥洹亦復如化佛言如是如是一切皆空亦非聲聞辟支佛所作亦非菩薩佛之所作審空者是泥洹復問世尊於空過去人行當云何入云何學云何說佛報言於湏善提意云何但有過去世無有當來世耶

放光摩訶般若波羅蜜經薩陁波峩品第八十八

佛告湏善提菩薩摩訶薩欲求般若波羅蜜者當如薩陁波峩善薩今現在於雷音如來無所著等正覺佛所常修梵清淨之行湏菩提白佛言世尊薩陁波峩善薩云何求般若波羅蜜佛報言薩陁波峩善薩求般若波羅蜜時不惜身命不望供養不求名稱常在寂處聞空中之聲言往善男子莫起疲厭睡卧之意莫念食飲莫念晝夜莫念寒熱莫念飢渴著於內外莫左右顧視行時當作是意當如不行於身五陰莫有起想何以故有起想者便於佛法有稽留礙有留礙者便在生死苦在生死苦者不能逮得般若波羅蜜余時

菩薩陁波峩報空中聲言我當從教何以故我欲爲衆生而作大明廣宣佛法我欲得阿耨多羅三耶三菩作是語已便聞空中聲言善哉善哉善男子欲聞於空無相無願之法當求索般若波羅蜜當離想念當離命見當離人見當遠離惡知識當與善知識從事當供

養真知識當爲汝說空無相無願之法當說無生不滅之法當歡助人求薩云若作是行者聞般若波羅蜜不久或從經中聞或從善薩摩訶薩口聞善男子所從得聞般若波羅蜜處當視其人如世多羅汝於法師當修反復莫得背恩所從聞般若波羅蜜處則是真知識得聞經已便得阿耨多羅三耶三菩不復動轉當自念言我去諸如來無所著等正覺不遠所生之處常值諸佛常當遠離八不閑處當得八樂之處持是德行當敬法師如敬世尊莫以世俗冀望之意於法師所當起法想恭敬之想冀望想者當知魔事若魔波旬或持五樂或以細滑色聲香味來貢法師法師以漚和拘舍羅欲度衆生能爲受之汝若見者莫起汙意但當念言我未得是漚和拘舍羅如法師所行善薩已逮漚和拘舍羅者無所墨礙辭如金剛無所不入不受塵垢當以一調法行而觀法師何等爲一調法行

謂諸法無著無斷何以故諸法皆空無我無人壽命辟如幻化熱時之焰當作是觀法師導御作是觀者令得般若波羅蜜不久善男子當護魔事善男子若至法師所不見法師莫起礙意當以法故恭敬法師余時薩陀波崙聞空中聲已於是東行東行不久意中念言向者不問我當於何去去是幾所當從誰聞於是大哭哭已念言我今於是不復飲食不復動轉從一日至七日不聞般若波羅蜜終不起佛告湏菩提辟如長者有一子其子而死父母悲哀無復他念但念其子湏菩提余時薩陀波崙一無復餘念但念般若波羅蜜亦復如是作是哭時於前便有如來之像三十二相八十種好其佛歎言善哉善哉善男子過去諸如來無所著等正覺行善薩時索般若波羅蜜亦如是持是勇進之意從是東行去是二萬里國名香氏其城純以七寶七重繞城池水周流十重有七寶樹羅列重

行及七寶塗其城縱廣四百八十里其國豐樂人民熾盛所有服飾珍寶異妙其城中有五百欄楯街巷市里行伍相當以諸雜寶金銀錯塗懸繒幢幡肆如天錦城上臺觀樓閣睥睨皆七寶作城上寶樹行列奇好復以闇浮檀金爲交露蓋以七寶鈴懸其樓閣風起

之時吹其鈴聲其音和雅肆如天樂其有衆生聞鈴音者以自娛樂繞城池水冷暖和適常滿不減其池水中有七寶舡其人乘舡遊戲池水中其人宿命有福功德而得致是其池水中有波曇華分陁利華拘文羅華優鉢利華復有餘華雜種異色數千百種三千大千國土所有妙華無不在彼順繞其城各有五百廬館亦七寶作殊好嚴事一一廬館有五百池水其池縱廣各二十里亦以七寶雜色妙華其華大如車蓋其華五色青黃赤白紅各自分明其池中有鳧鷀鶩鷄孔雀鵝鵠異類奇鳥數千百種其城廬館所有寶物亦

并

卷三十九

三

無有主亦無守者以其國人宿福所致常習行般若波羅蜜故是以長夜受是福德善男子彼有菩薩名法上在其國中央其宮殿舍廣縱四十里皆以七寶作宮牆七重所有欄楯七寶之樹園觀浴池亦復七重其樓閣欄楯宮殿門閣皆是七寶雕刻鏤七重法上

宮裏有四廬館一名常樂二名除憂三名雜華四名雜香一一廬館有八池水一名曰賢二名賢妙三名曰樂四名妙樂五名吉祥六名吉上七名曰除八名不還其池四邊邊各一寶金銀琉璃水精純以紫磨黃金爲底以金羅網爲蓋其一一池中金爲梯階種種雜色磚礫碼碭衆寶雜成其梯階兩邊復以紫金爲芭蕉樹其華柔軟隨風委靡其池水中亦有雜華如上所有順池水邊又有華樹風吹諸華墮池水中便如根生其池水香如天栴檀法上宮中有六萬八千夫人婦女圍繞娛樂香氏城中男女皆來會於常樂池觀共

相娛樂其化佛言善男子是法上菩薩與其眷屬其相娛樂以三時說法香氏城中衆人

爲法上菩薩施設法座於城中央金銀水精琉璃爲座脚軟劫波育以爲其綱以天雜香而著其綱其座高十里當其座上有諸男女把持垂珠又散名華燒諸名香何以故敬於

<sup>十三</sup>

法故法上菩薩坐其座上以般若波羅蜜爲衆生說法化佛復言善男子香氏國人恭敬奉事法上菩薩其像如有若干百千諸天來會聽受般若波羅蜜中有書者中有諷者中有口受者中有念者中有寂然念行者國中衆生皆是阿惟越致於阿耨多羅三耶三菩不復動還善男子汝從是東去到法上菩薩所可得聞般若波羅蜜是法上者是汝前世真知識也常勸助汝於阿耨多羅三耶三菩法上善薩本求般若波羅蜜時亦如汝今往善男子晝夜莫斷於念得聞般若波羅蜜不久爾時薩陀波崙聞是語已踊躍歡喜言

我何時當得見法師從受般若波羅蜜

### 放光摩訶般若波羅蜜經卷第二十九 芥

### 放光摩訶般若波羅蜜經卷第三十 芥十

西晉三藏無羅叉共竺叔蘭奉

詔譯

### 薩陀波崙品第八十八之餘

佛告須菩提辭如有人被重毒箭無有餘念但念言我何時當得良師拔我身箭令其疾愈薩陀波崙無復餘念但欲得見法師從聞般若波羅蜜聞般若波羅蜜已滅諸倚著少時薩陀波崙善薩即見諸法無墨礙慧得無量三昧門其三昧名曰見諸法所有三昧於諸法無所得三昧降伏諸無智三昧得諸法無差別三昧得於諸法無變異三昧諸法無所有無所聚三昧滅諸冥三昧於諸法次第